

Bosna i Hercegovina
Federacija Bosne i Hercegovine
Tuzlanski kanton
Općina Sapna
Općinski načelnik

Broj: 04-11-584/2024
Datum: 04.04.2024. godine

Na osnovu člana 10. a. Stav 1. Tačka f) Zakona o javnim nabavkama BiH („Službeni glasnik BiH“, broj: 39/14 i 59/22), člana 41. Statuta općine Sapna („Službeni glasnik općine Sapna“ broj: 6/07, 8/09 i 3/12), te Odluke Općinskog vijeća o kreditnom zaduženju općine Sapna broj: 02-02-2734-4/23 od 27.12.2023. godine, Općinski načelnik objavljuje,

JAVNI POZIV za dugoročno kreditno zaduženje općine Sapna u 2024. godini

1. Općina Sapna ima namjeru provesti postupak dugoročnog kreditnog zaduživanja u 2024. godini u iznosu od 500.000,00 KM, za potrebe finansiranja obaveza po realizovanim kapitalnim projektima u 2023. godini.
2. Opći uslovi koje banka mora ispuniti iz ovog javnog poziva su:
 - a) da ponuđač u krivičnom postupku nije osuđen pravosnažnom presudom za krivična djela organizovanog kriminala, korupciju, prevaru i pranje novca, u skladu sa važećim propisima u Bosni i Hercegovini ili u zemlji u kojoj je registrovan;
 - b) da ponuđač nije pod stečajem ili da nije predmet postupka likvidacije, osim u slučaju postojanja važeće odluke o potvrdi stečajnog plana ili da nije predmet postupka likvidacije, odnosno u postupku obustavljanja poslovne aktivnosti, u skladu sa važećim propisima u Bosni i Hercegovini ili u zemlji u kojoj je registrovan;
 - c) da je ponuđač ispunio obaveze u vezi plaćanjem penzionog i invalidskog osiguranja i zdravstvenog osiguranja, u skladu sa važećim propisima u Bosni i Hercegovini ili u zemlji u kojoj je registrovan;
 - d) da je ponuđač ispunio obaveze u vezi s plaćanjem direktnih i indirektnih poreza u skladu sa važećim propisima u Bosni i Hercegovini ili u zemlji u kojoj je registrovan;
 - e) ponuđači moraju biti registrovani za djelatnost koja je predmet Javnog poziva.

3. Opis predmeta Javnog poziva

Predmet ovog Javnog poziva je dugoročno kreditno zaduživanje Općine Sapna kod banaka u Bosni i Hercegovini za potrebe finansiranja obaveza po realizovanim kapitalnim projektima u 2023. godini, u iznosu od 500.000,00 KM, sa fiksnom kamatnom stopom do 5,50 % godišnje sa naknadom uz rok otplate 4(četiri) godine i grace period od 6 mjeseci.

4. Kvalificiranost banaka za dugoročno kreditno zaduženje iz tačke 1. ovog Javnog poziva izvršit će se na osnovu sljedećih kriterija:

- a) Visina kamatne stope i naknada do 5,50 % (EKS);
- b) Vrsta kamatne stope – fiksna;
- c) Rok otplate kredita 4 (četiri) godine i grace period od 6 mjeseci koji nije uključen u rok otplate kredita:

Rang lista će biti sastavljena prema rastućem redosljedu efektivne kamatne stope, pri čemu će banka sa najnižom kamatnom stopom biti rangirana na prvom mjestu.

5. Dodjela ugovora

Ugovori će se dodjeljivati kvalificiranim bankama koje su ispunile uslove iz tačke 2. i kriterije iz tačke 4., a u skladu sa rang listom iz tačke 4. ovog Javnog poziva.

Kreditno zaduženje će se koristiti za finansiranje obaveza po realizovanim projektima u 2023. godini.

6. Zainteresovane banke trebaju dostaviti sljedeću dokumentaciju:

- a) Obrazac ponude (PRILOG OBRAZAC I),
- b) Izjava (PRILOG OBRAZAC II),

Ponuđač može uz svoju ponudu i Izjavu, (PRILOG OBRAZAC I i II), odmah dostaviti i tražene dokaze iz tačke 2. od a) do d). Ovim se ponuđač oslobađa obaveze naknadnog dostavljanja dokaza ako bude izabran. Dostavljeni dokazi moraju biti original ili ovjerene kopije i nemogu biti stariji od tri mjeseca, računajući od dana predaje ponude, a dostavlja ih izabrani ponuđač u roku ne dužem od 5(pet) dana od dana prijema odluke o izboru ponuđača. Dokazi moraju biti fizički dostavljeni na protokol Općine Sapna lično ili poštom na adresu Općine Sapna.

Ponuđač kojem bude dodjeljen ugovor obavezan je da dostavi sljedeće dokumente kojima će potvrditi vjerodostojnost date izjave iz tačke 6., b).

- Uvjerenje nadležnog suda (prema sjedištu pravnog lica) kojim dokazuje da u krivičnom postupku nije izrečena pravosnažna presuda kojom je osuđen za krivično djelo učešća u kriminalnoj organizaciji, za korupciju, prevaru ili pranje novca;
- potvrdu od Suda Bosne i Hercegovine kojim dokazuje da u krivičnom postupku nije izrečena pravosnažna presuda kojom je osuđen za krivično djelo učešća u kriminalnoj organizaciji, za korupciju, prevaru ili pranje novca;
- uvjerenje nadležnog suda ili organa uprave kod kojeg je registrovan ponuđač, kojim se potvrđuje da nije pod stečajem, niti je predmet stečajnog postupka, da nije predmet postupka likvidacije, odnosno da nije u postupku obustavljene poslovne djelatnosti;
- uvjerenje izdato od strane nadležnih institucija kojim se potvrđuje da je ponuđač izmirio dospjele obaveze, a koje se odnose na na doprinose za penzijsko-invalidsko i zdravstveno osiguranje;

- uvjerenje izdato od strane nadležnih institucija kojim se potvrđuje da je ponuđač izmirio dospjele obaveze u vezi sa plaćanjem direktnih i indirektnih poreza.

Kao dokaz o ispunjavanju uslova iz tačke c) i d) općina prihvata i sporazum ponuđača sa nadležnim poreskim institucijama o reprogramiranom odnosno odloženom plaćanju obaveza, uz dostavljanje potvrde od strane poreskih organa da ponuđač u predviđenoj dinamici izmiruje svoje reprogramirane obaveze.

- c) Kao dokaz o ispunjavanju uslova iz tačke 2. e) ponuđač treba dostaviti.
 - dokaz o registraciji u odgovarajućim profesionalnom i drugom registru u zemlji u kojoj su registrovani ili da obezbijede posebnu izjavu ili potvrdu nadležnog organa kojim se dokazuje njihovo pravo da obavljaju profesionalnu djelatnost, koja je u vezi s predmetnim javnim pozivom.
Dostavljeni dokazi se priznaju, bez obzira na kojem nivou vlasti su izdati. Dokazi koji se dostavljaju moraju biti original ili ovjerene kopije;
 - dozvola za rad izdata od strane Agencije za bankarstvo. Dokazi koji se dostavljaju moraju biti original ili ovjerene kopije.
- d) Ponuđač je dužan dostaviti kopije ID i PDV broja,
- e) Nacrt ugovora,

Obrazac ponude iz tačke 6. a) ovog javnog poziva, Obrazac izjave iz tačke 6. b) i nacrt ugovora iz tačke e) su sastavni dio dokumentacije koju banka preuzima na web stranici Općine Sapna radi prijave za učešće banke na javnom pozivu.

- f) Preliminarni otplatni plan u skladu sa dostavljenom ponudom,

7. Kalkulativni datum za izradu ponude

Ponuđači za izradu svoje ponude mogu koristiti sljedeće kalkulativne datume:

- Datum plasiranja kredita je 01.06.2024. godine,
- Datum prvog obračuna kamate je 01.07.2024. godine,
- Datum isteka grace perioda je 31.12.2024. godine,
- Datum dospeljeća prve otplate glavnice kredita je 31.01.2025. godine

Otplata kamata u grace periodu vršit će se mjesečno unazad. Po isteku grace perioda otplata dospjelih obaveza vršit će se mjesečno unazad.

Kod obračuna kamata koristi će se jednostavna metoda na bazi 365 dana.

Zainteresovani ponuđači mogu tražiti pojašnjenje ovog javnog poziva putem e-maila: finansije@opcinasapna.ba, blagovremeno a najkasnije 5 (pet) dana prije isteka roka za podnošenje ponuda.

Općina će pripremiti odgovor na postavljena pitanja u pisanoj formi u roku od 5 (pet) dana prije isteka roka za podnošenje ponuda.

Rok i način dostavljanja prija za učešće

Prijave za učešće zajedno sa pratećom dokumentacijom dostavlja se najkasnije do 25.04.2024. godine do 12 sati.

Ponude važe 90 dana od dana otvaranja ponuda.

Prijava za učešće dostavlja se u zatvorenoj i zapečaćenoj kovrti na adresu:

Protokol Općine Sapna

Ul. 206. Viteške brigade bb, 75411 Sapna.

Na kovrti obavezno naznačiti : „Prijava na Javni poziv za dugoročno kreditno zaduženje općine Sapna u 2024. godini“ – NE OTVARATI

Prijave za učešće koje budu dostavljane nakon navedenog roka neće biti razmatrane.

Dokumentacija za prijavu banke mogu preuzeti na web stranici općine Sapna

www.opcinasapna.ba

Javno otvaranje ponuda će se održati 25.04.2024. godine u 13 sati, u Sali Općinskog vijeća Sapna.

Ponuđači i njihovi ovlašteni predstavnici, kao i sva druga zainteresovana lica mogu prisustvovati otvaranju ponuda.

Obavijest o rezultatima izbora dostavit će se svima bankama koje su dostavile prijavu za učešće.

Osobe ovlaštene za davanje informacija u vezi sa ovim Javnim pozivom su:

Garibović Elvir i Ademović Šahman, e-mail: finansije@opcinasapna.ba, Tel. 035-599-530



OPĆINSKI NAČELNIK

Zudin Mahmutović

OBRAZAC PONUDE

Broj ponude: _____

UGOVORNI ORGAN:

Naziv ugovornog organa	OPĆINA SAPNA
Adresa	Ul. 206. Viteške brigade
Sjedište	75411 Sapna

PONUĐAČ:

Naziv i sjedište ponuđača	
Naziv, adresa i JIB za svakog člana grupe ponuđača (ukoliko se radi o grupi ponuđača)	
Adresa	
IDB/JIB	
Broj žiro računa	
Dali je ponuđač u sistemu PDV-a	
Adresa za dostavu pošte	
E-mail adresa	
Kontakt osoba	
Broj telefona	

IZJAVA PONUĐAČA

U skladu sa Javnim pozivom za dugoročno kreditno zaduživanje Općine Sapna broj: _____ od _____ godine koji ste objavili na web stranici Općine Sapna _____ godine i dnevnim novinama, dostavljamo vam ponudu i izjavljujemo sljedeće:

Ovom ponudom odgovaramo zahtjevima iz Javnog poziva, u skladu sa uslovima utvrđenim u Javnom pozivu, kriterijima i utvrđenim rokovima, bez ikakvih rezervi i ograničenja.

1. Iznos, visina Kamatne stope, naknade i ročnost kredita za koji banka daje ponudu:

- Iznos kredita _____ KM
- Visina kamatne stope _____ % godišnje
- Visina naknade _____ %
- Visina kamatne stope i naknade (ukupno EKS) _____ %
- Vrsta kamatne stope _____,
- Rok otplate kredita _____ (sa uključenih šest mjeseci grace perioda)

2. Naša ponuda važi _____ (slovima) dana.

3. Ako naša ponuda bude odabrana obavezujemo se dostaviti dokaze kvalificiranosti koji su traženi Javnim pozivom.

Ime i prezime osobe koja je ovlaštena da predstavlja ponuđača : _____

Potpis ovlaštene osobe: _____

Mjesto i datum: _____

Uz ponudu je dostavljena sljedeća dokumentacija:

(Popis dostavljenih dokumenata, izjava i obrazaca sa nazivima istih)

- 1.
- 2.
- 3.
- 4.
- 5.
- 6.
- 7.

IZJAVA

U skladu sa Javnim pozivom o dugoročnom kreditnom zaduživanju Općine Sapna broj: _____ od _____ godine objavljen na internet stranici Općine Sapna i u dnevnim novinama, (u daljem tekstu: Javni poziv) ja, dole potpisani kao ovlaštena osoba (u daljem tekstu: Banka), pod moralnom i materijalnom odgovornošću izjavljujem da:

1. Banka izražava interes za kreditiranje Općine Sapna, detaljno opisanog u tački 3. Javnog poziva, na način i pod uslovima utvrđenim u Javnom pozivu;
2. Banka posjeduje potrebne dozvole za rad;
3. Banka u krivičnom postupku nije osuđena pravosnažnom presudom za krivična djela organizovanog kriminala, korupciju, prevaru ili pranje novca, u skladu sa važećim propisima u Bosni i Hercegovini ili u zemlji u kojoj je registrovan;
4. Banka nije pod stečajem ili nije predmet stečajnog postupka, osim u slučaju postojanja važeće odluke o potvrdi stečajnog plana ili nije predmet postupka likvidacije, odnosno u postupku obustavljanja poslovne djelatnosti, u skladu sa važećim propisima u Bosni i Hercegovini ili u zemlji u kojoj je registrovana;
5. Banka je ispunila obaveze u vezi plaćanja penzijskog i invalidskog osiguranja i sdravstvenog osiguranja, u skladu sa važećim propisima u Bosni i Hercegovini ili u zemlji u kojoj je registrovana;
6. Banka je ispunila obaveze u vezi s plaćanjama direktnih i indirektnih poreza u skladu sa važećim propisima u Bosni i Hercegovini ili u zemlji u kojoj je registrovan;

Prihvatam da će Općina Sapna odbiti učešće Banke u postupku po Javnom pozivu ukoliko je Banka propustila dostaviti ili dostavila pogrešne podatke u ovoj izjavi ili odbila potpisati ovu izjavu, ili ukoliko Općina utvrdi da Banka ne ispunjava jedan od kvalifikacionih uslova navedenih u tački 4. Javnog poziva.

Izjavljeno: _____
(mjesti i datum)

(funkcija, ime i prezime, potpis i pečat)

Općina Sapna, ul. 206. Viteške brigade bb, koju zastupa Općinski načelnik Zudin Mahmutović, ID broj: 4209487440001, transakcijski račun broj: 132-290-0309208559 otvoren kod NLB Banke, telefon 035/599-530, (u daljem tekstu : Korisnik kredita)

i

_____, ul. _____,

JIB _____, koju zastupa direktor _____,
(u daljem tekstu: Banka) zaključuju:

UGOVOR O DUGOROČNOM KREDITNOM ZADUŽIVANJU OPĆINE SAPNA

I UVOD

Član 1.

Ovaj ugovor se zaključuje na osnovu provedenog Javnog poziva za dugoročno kreditno zaduživanje Općine Sapna broj: _____ od _____ godine, Odluke Općinskog vijeća o kreditnom zaduženju Općine Sapna broj: 02-02-2734-4/23 od 27.12.2023. godine za kredit u iznosu od 500.000,00 KM.

II PREDMET UGOVORA

Član 2.

Predmet ovog ugovora je finansiranje obaveza po realizovanim kapitalnim projektima u 2023. godini, u iznosu od 500.000,00 KM (slovima: petstotina hiljada i 00/100KM).

III NAMJENA KREDITA

Član 3.

Kreditna sredstva će se koristiti za finansiranje obaveza po realizovanim kapitalnim projektima u 2023. godini.

IV USLOVI KREDITA

Član 4.

4.1. Ugovorne strane su se sporazumjele o uslovima ovog kredita.

a) Ovim ugovorom utvrđuje se da Banka odobrava kredit Korisniku kredita u ukupnom iznosu od 500.000,00 KM (slovima: petstotina hiljada i 00/100 KM), a Korisnik kredita se obavezuje platiti ugovorenu cijenu, te vratiti cjelokupan iznos Kredita i ugovorene cijene, pod uslovima, u vrijeme i na način kako je utvrđeno ovim Ugovorom.

b) Za odobreni iznos Kredita nominalna godišnja kamatna stopa iznosi _____% fiksno, dok je efektivna kamatna stopa (EKS) ____%. Naknada za obradu kredita iznosi _____KM, jednokratno.

4.2. Cijena iz člana 5. tačke 5.1. Ugovora neće se mijenjati u toku izvršenja Ugovora i ne podliježe bilo kakvim promjenama.

V CIJENA KREDITA

Član 5.

5.1. Cijena

Korisnik kredita za odobreni Kredit u iznosu od _____KM
(slovima: _____KM) plaća banci cijenu u ukupnom iznosu od
_____KM (slovima: _____KM), prema ponudi.

Ukupna cijena Kredita sastoji se od:

_____KM kamata u grace periodu,
_____KM kamata na period otplate kredita,
_____KM jednokratna naknada za obradu kredita.

Sastavni dio ovog ugovora je Ponuda Banke broj: _____ od _____2024. godine.,
protokolisana na protokolu Općine Sapna pod brojem: _____ od
_____2024.godine.

VI KORIŠTENJE, NAČIN I ROK OTPLATE KREDITA

Član 6.

6.1 Korištenje kredita

Banka će doznačiti kredit Korisniku kredita u jednom i punom ugovorenom iznosu.
Banka će izvršiti uplatu Kredita direktno u korist Jedinственog računa trezora Korisnika kredita i to na transakcijski račun broj: 132-290-0309208559 otvoren kod NLB Banke d.d. u roku od pet dana od dana zaključivanja ugovora.

6.2. Način i rok otplate kredita

6.2.1. Rok otplate kredita je 4(četiri) godine i grace period od 6 (šest) mjeseci. Definisani otplatni plan je na ukupan iznos kredita iz člana 1. ovog ugovora.

6.2.2. Kredit se otplaćuje 4(četiri) godine u jednakim mjesečnim ratama nakon isteka grace perioda. Grace period je šest mjeseci, počev od doznake sredstava na transakcijski račun Korisnika kredita. Prva rata dospijeva za plaćanje na kraju prvog mjeseca po isteku grace perioda.

6.2.3. Obračun i plaćanje kamata vrši se mjesečno unazad. Korisnik kredita u grace periodu vraća samo dio kredita (kamatu) definisanog Otplatnim planom Banke koji će biti sastavni dio ovog ugovora.

6.2.4. Rate kredita se plaćaju u KM (konvertibilnim markama) na dan dospijea obaveze, odnosno prema Otplatnom planu Banke.

6.2.5. Na sve dospjele, a neplaćene iznose koje Korisnik kredita duguje po osnovu Ugovora,

nakon isteka roka od 8 (osam) dana obračunava se i naplaćuje kamata za kašnjenje u visini zakonske zatezne kamate u Federaciji BiH.

6.2.6. Sva plaćanja Korisnik kredita vrši na osnovu pismene obavijesti Banke, dostavljene putem protokola Općine Sapna, najmanje 10 (deset) dana prije datuma dospijeca obaveza, odnosno otplatnog plana koji je sastavni dio ovog ugovora.

6.2.7. Korisnik kredita može otplatiti Kredit po ovom ugovoru, djelimično ili u cijelosti i prije dospijeca, uz naknadu od 0% na iznos vraćene glavnice, pod uslovom da je o tome obavijestio Banku najmanje 10 (deset) radnih dana unaprijed.

VII OBAVEZE UGOVORNIH STRANA

Član 7.

7. Korisnik kredita je dužan:

- a) da Budžet Općine Sapna za 2024. godinu u kojem su planirani primici od domaćeg zaduživanja i koji je objavljen u Službenom glasniku Općine Sapna, i sve naredne budžete do kraja otplate kredita, kao i odgovarajuće odluke o zaduživanju u skladu sa Zakonom o dugu Federacije Bosne i Hercegovine („Sl, Novine FBiH“, br. 86/07,24/09,44/10 i 30/16) učini dostupnim na wab stranicu Općine Sapna;
- b) da učini dostupnim finansijske izvještaje i ostalu dokumentaciju potrebnu za obradu kreditnog zahtjeva, a u skladu sa odlukom Agencije za bankarstvu Federacije Bosne i Hercegovine.

7.1. U svrhu osiguranja otplate Kredita po ovom ugovoru, Korisnik kredita je dužan po potpisivanju ugovora osigurati i predati Banci kao instrument obezbjeđenja urednog povrata kredita bjanko mjenice, sa ovlaštenjem za popunu. Korisnik kredita ovlaštuje Banku da primljene bjanko mjenice može koristiti za naplatu dospjelog a neizmirenog potraživanja po Ugovoru. U tom slučaju ovlašćuje se Banka da može u svaku primljenu bjanko mjenicu upisati iznos svih dospjelih, a neizmirenih potraživanja na dan popunjavanja mjenice, zatim datum dospijeca, upisati sve druge nedostajuće sastojke, te je podnijeti na isplatu, odnosno da njenicom može provesti sve druge propisane radnje radi naplate mjeničnog potraživanja.

Mjenice će biti deponovane kod Banke. Po otplati kredita Banka će izvršiti povrat instrumenata obezbjeđenja po kreditu i izdati potvrdu o izvršenoj otplati kredita.

7.2. Banka je dužna izvršiti doznačavanje kredita Korisniku kredita na način kako je definisano u članu 6. tačka 6.1. ovog Ugovora.

VIII POSEBNI USLOVI

Član 8.

8.1. Ugovorne strane Banka i Korisnik kredita su dužni da svo vrijeme tokom trajanja kredita preduzimaju sve potrebne mjere u cilju otkrivanja i sprečavanja pranja novca i finansiranja terorističkih organizacija u skladu sa odredbama Zakona o sprečavanju pranja novca i finansiranju terorističkih aktivnosti („Službeni glasnik BiH“, broj: 47/14 i 67/16),

8.2. Ugovorne strane Banka i Korisnik kredita su dužni da preduzimaju sve potrebne mjere u cilju osiguranja zaštite i poboljšanja okoliša u skladu sa odredbama zakona o zaštiti okoliša („Službene novine FBiH“, broj: 15/2021).

IX OTKAZ I RASKID UGOVORA

Član 9.

9.1. Banka ima pravo otkazati Ugovor o kreditu ako Korisnik kredita koristi kredit protivno ugovorenoj namjeni, u slučaju insolventnosti Korisnika kredita, prestanka pravne osobe i potraživa po ovom ugovornom odnosu učini trenutno dospjelim.

Ugovor se otkazuje dostavom otkaznog pisma, bez otkaznog roka, a raskida dostavom obavijesti o raskidu ugovora, stim da sva potraživanja Banke utvrđena na otkazanom/raskinutom ugovoru dospijevaju na naplatu danom otpreme otkaznog pisma/obavijesti na adresu sjedišta Korisnika kredita, odnosno na adresu u kojoj je uredno izvjestio Banku.

9.2. Banka ima pravo raskinuti ovaj ugovor i proglasiti obaveze po Ugovoru u cijelosti dospjelim u slučaju:

- kašnjenja o ispunjenju dospjelih obaveza iz člana 6. tačka 6.2. Ugovora i Otplatnog plana koji je sastavni dio ugovora.
- neispunjenja obaveza iz ovog ugovora,
- nastanka materijalno relevantnih promjena ili potencijalno materijalno relevantnih promjena u finansijskom stanju Korisnika kredita ili ako finansijski izvještaji Korisnika kredita pokazuju da isti neće biti u mogućnosti ispunjavati svoje obaveze iz Ugovora,
- otežava poslovanje ili narušava ugled Banke,
- u svim drugim slučajevima kada nastupe okolnosti i stanja koja bi mogla dovesti u pitanje naplativost potraživanja iz ugovorenih instrumenata osiguranja plaćanja ili sposobnost Korisnika kredita da ispunji, odnosno ispunjava obaveze preuzete ovim ugovorom.

9.3. Otkazom/raskidom Ugovora o kreditu za Korisnika kredita nastaje obaveza da Banci plati ukupan neotplaćeni iznos kredita, kamate, eventualne troškove nastale otkazom/raskidom ugovora.

X RASPOLAGANJE PODACIMA-SAGLASNOST

Član 10.

Potpisom ovog ugovora Korisnik kredita daje Banci neopozivu saglasnost da ima pravo da bitne informacije i zaštićene podatke u skladu sa Zakonom u zaštiti ličnih podataka do kojih dođe pri realizaciji ovog ugovora dostavlja članicama grupe Banke unutar države i izvan iste, te drugima sa kojima zaključi Ugovor o poslovnoj saradnji i društvima koji se bave provjerom kreditne historije, statistikom, te onim državnim organima, odnosno institucijama kojima je Banka po osnovu zakonskih i podzakonskih propisa obavezna iste dostaviti.

Pri tome je Banka dužna osigurati povjerljivost postupanja i punu zaštitu bankovne tajne na strani svih osoba kojima će u skladu sa saglasnošću biti omogućen pristup zaštićenim podacima, kao i njihovo korištenje u sljedeće svrhe: u svrhu kreiranja zajedničke baze klijenata grupe, u svrhu provođenja mjera dubinske analize klijenata, u svrhu dostavljanja informativnih ponuda o uslugama koje pružaju članice navedene grupe, u svrhu upravljanja rizicima, u svrhu spečavanja pranja novca i finansiranja terorizma. Saglasnost se daje na period trajanja ugovornog/poslovnog odnosa sa Bankom i neće biti opozvana.

XI ZAVRŠNE ODREDBE

Član 11.

11.1. ugovorne strane potvrđuju da su pročitale Ugovor, bezuslovno ga prihvatile, te da su upoznate sa svim uslovima ovog kredita, što potvrđuju svojim potpisom.

11.2. Na sve što nije regulisano ovim Ugovorom, primjenjivat će se odredbe Zakona o obligacionim odnosima i drugih važećih Zakona u Federaciji Bosne i Hercegovine.

11.3. Sva obajestjenja, zahtjevi i drugi dopisi u vezi sa ovim Ugovorom, ugovorne strane su dužne sačinuti u pisanoj formi.

11.4. Svi sporovi koji proizilaze iz ovog Ugovora ili u vezi s njim, a koji ne budu riješeni sporazumno između Banke i Korisnika kredita rješavat će nadležni općinski Sud.

Član 12.

Sastavni dio ovog Ugovora čine:

1. Ponuda Banke broj: _____ od _____ .2024. godine protokolisane na protoklou Općine Sapna pod brojem: _____ od _____ .2024. godine.
2. Otplani Plan Banke.

Član 13.

Ovaj Ugovor stupa na snagu danom potpisivanja, i osaje na snazi sve dok se njegove odredbe u potpunosti ne ispune.

XII PRIMJERCIM UGOVORA

Član 14.

Ovaj Ugovor sačinjen je u 4 (četiri) istovjetna primjerka, od kojih po 2 (dva) dobija svaka Ugovorna strana.

ZA BANKU
DIREKTOR

Broj: _____

Datum: _____

ZA KORISNIKA
OPĆINSKI NAČELNIK

Zudin Mahmutović

Broj: _____

Datum: _____